

修具十書武夷集卷之五十

海南白玉塘著

思微堂

訪靈寶觀冰思微堂重寶中
盤蘇有思微先志券因以命
之吟曰

思微堂裏自冲虛高士閑居與味殊月冷花

開數朵靜風清鳥過一聲孤誰知心上工夫

妙欲覓人間俗累無九轉內丹成也未快騎

白鶴去天衢

題上清法堂壁

秋雨懸天風作寒冷煙鎖住屋頭山半巖飛

鳥一聲過峭壁斷雲千古開世俗不知幽靜

處神仙隱在有無問夜來小艇篙脫手醉把

霜印入翠樽

太虛堂

滿堂冷靜爽精神不著人間一點塵簷鶴噪

風呼薄晚庭花飄露殘春華齊上國今無

夢籠漢元年古有身香篆飛從意外去雲梢

孤鶴唳何人

三華院選丹詩

絳宮無事絕塵埃坎虎龍龍戰幾回白雪飛

空鉛鍊錠黃雲覆鼎汞花開龜蛇抱一成丹
藥鳥兔凝真結聖胎夜半瀛洲寒月落冷風
吹鶴上蓬萊

送江子恭三首

我欲楊村結草廬不知蹤跡又江湖回觀咫

尺如天遠自別丰標僅月餘忽一二時思故

舊整千百里望音書憶君不忍忘懷處一片

青雲點太虛

春來行盡爛田畦雲滿春空水滿溪風濺碧

波翻麥壟日晴紅雨落桃蹊杜鵑聲斷鷺寒

兔蝴蝶夢殘聽曉雞人在江東寄歸信海雲

花謝燕銜泥

子到鉛山我信州筍輿軋軋又歸休數程細

雨斜風路一片落花啼鳥愁何必便為阮籍

哭不來相伴赤松遊他年我到蓬萊去一粒

金丹汝去不

送張大師

自從汝離武夷來險阻難離幾回江左旅

中連值雨春深路上滑成苔鳥啼花落流

水風淅淅猿聲嘯古臺舉眼四山如壁立教君

歸去也心灰

贈杜省元

海外三山一洞天金樓玉室有神仙南柯園

震柯巖叟白馬江邊馬自然鯨脯味甘供老

廣黃豚飯熟飼彭蠡金丹鍊就爐無火桃再

開花經幾年

淡庵倪清父

地僻人閑春晝長了然物我兩相忘薄披明

月歸詩肆細切清風入醉鄉蠟味溪山閣裏

嚼齏羹松竹靜中嘗把琴彈破世間事淨几

明窓一炷香

倪敬父柯山

暮雲橫翠夕陽斜啼罷歌樓林外鷓鴣竹弄

搖風裏影碧桃開遍雨中花三盃淡酒邀明

月一局殘棋驚落霞人在柯山山上詠笑揮

管筆走生蛇

酬蔣知觀所惠詩

新篇飛來一朵雲讀之毛骨聳寒鱗展開大

句幾鈎墨存想先生滿面春榻上賓朋談盛

德山中冠褐混凡身來朝盥手炷香去恐是

蓬萊相識人

讚鐘

聞道琳宮欲範鍾上皇勅賜萬斤銅一模脫
出等閑事千古要知陶鑄功敲得星飛鶯落
月撞教雲破響呼風子今欲為吾皇壽笑指
瓊樓貼碧空

靖通庵

靖通庵外鎖晴雲壁壁飛瓊瓦疊鱗野鳥無
心一聲曉巖花有意四時春鑿開風月長生
地占斷煙霞不老身虛靖當年仙去後不知
丹訣付何人

澹庵

平生只要樂清虛占斷人間靜處居古壁空
懸三尺劍幽窗閑却一床書遠山喜色日初
染枯木涼聲風自梳細嚼清閑滋味別雲霞
收拾作糧儲

飯山

一林幽竹幾時栽怪石花磚砌綠苔羽客遊
盡乘雨至仙翁採藥破雲來天台猶在眉毛
管鴈鶩依然眼睫開昨夜摘珠人報道海邊

夫却小蓬萊

美周都監禱雨驗

旱魃為妖欲請雲真人問雨幾時無先將鳳
表投金闕擬向龍潭下鐵符彈指雷鳴三霹
靂舉頭雲起一須臾笑將斗柄輕輕倒瀉
銀河萬斛珠

別句呈庚契具高士

一笑相逢在翠微綠槐高柳借涼時只將水
竹煙雲與說與風花雪月知日落三盃無事
酒人閑八句自然詩來朝雲過青山外回首
空聞猿鶴悲

蒙谷

淡煙輕鎖數株松夜靜瀟瀟古谷風雲掩草
舒青洞綠鳥銜花落碧巖紅神仙去後無金
劍仕宦來時有玉桐不知此後誰人隱寂寞
南來幾朵峯

梅窻

南窻屋數椽一點陽和生枝上雪粧瘦墻頭
風作清霜天酒自煖月夜夢難成何處人吹
笛黃昏送幾聲

張進甫靜寮

脫俗臥雲眠胃中別有天壁間五六榻屋上
兩三椽風月真滋味溪山舊面緣靜中有真
靜猿嘯暮林邊

立秋有感

疏年急似箭日月跳如丸炎皇初解印白帝
又禪冠方且喜無暑教人又怕寒人生只如
許不覺鼻頭酸

雷怡真小隱送春

天不欲留春東君暗歸去碧梧枝上看瀟瀟
風送雨

旅邸睡起

雲為山積翠雨倩草添青一覺南柯夢俄然
鳥喚醒
訣四仙

韓湘

白雪滿空夜黃芽一朵春籃歸去後問甚
世間人

陳七子

一卷無人識千鍾對客談桃花開欲謝猶自

戀寒巖

何仙姑

闌苑無蹤跡
唐朝有姓名
不知紅玉洞
千古夜猿聲

曹國舅

竊得玉京桃
踏斷京華草
白雪滿蓑衣
內有金丹寶

題胡運幹別墅

閣來愛竹把花嫌
無事看山高
樓簾好鳥一聲飛
過簷清風著力送銀蟾

博山一炷小蛇寒
無人獨自坐蒲團
柴門却倩冷風關
簷外白雲時往還

詠韓湘

汝叔做盡死模樣
雪裏出來無意沉
賴有當年花一籃
至今推與閑和尚

孤螢

夜靜乘涼坐水亭
草頭隱映見孤螢
瞥然飛過銀塘面
俯仰浮光兩點星

修真十書武夷集卷之五十

修真十書武夷集卷之五十一同卷十一 卷八

海南曰玉蟾著

龍虎山祈雨早行有作

兩三條電復無雨
六七點星微
上雲鞭起卧龍
我騎去揮戈叱問五雷君

中秋月

風吹玉露洗銀河
字作銀爽氣平分桂影高
把笛倚樓人不寐
此心直擬數秋毫

錢塘江上雪飛花
人在天邊泛海槎
鳥鳴一聲星斗落
炬熾梳洗去誰家

千崖爽氣已平分
萬里青天轆玉輪
好向錢塘江上望
相逢都是廣寒人

卧雲

滿室天香仙子家
一琴一劍一盃茶
羽衣常帶煙霞色
不惹人間桃李花

織機試神童日韓郎王今其賦之

天地山河作織機
百花如錦柳如絲
虛空白處做一疋
日月雙梭天外飛

舟行

山鎖曉煙迷
紫翠花凝宿雨間
青紅快帆幸

自泛新綠乞與一篙東去風

上清宮方丈後亭

三四聲猿叫落月
六七竿竹呼起風
夜靜無人知此味
遠他方丈拙庵翁

贈吳道士香泉之餘玉童篇篇詩

延陵大士詩中虎
接武黃陳肩李杜
無雙爭敵酒西施也
向雷門聲布鼓

贈何道人

冠褐滿天下
幾箇能賢
急來龍虎山
結道粥飯緣
方丈最高處
幽居合幾年
一雙山岩電眼識
盡地行仙

贈張知堂

永虎銜龍煉氣神
黃芽昨夜一枝春
刀圭底事如何會
伏虎來砂價水銀

清河知堂武當來
左日右月雙眼開
高卧雲堂留夢醒
笑騎白鶴歸蓬萊

贈雲谷孔全道

健神爽氣煉金丹
七返從來有九還
昨夜一聲雷霹靂
不知人已在泥丸